



Oqarasuaatitigut eqqartuussisarneq pillugu ilisimasassatit

Suliat saqitsaannermut tunngasut ingerlanneqarneranni
eqqartuussisoq illuatungeriinnik oqarasuaatitigut
ataatsimeeqateqartarpoq.



Oqarasuaatigut ataatsimiinnermi suliaq tunngavissalersorneqartarpoq

Eqqartuussisup suliassiisoq suliassanngortitarlu normu sianerfissaq ataaseq atorlugu ataatsimeeqatigisarpai. Aggeqqusissutip sukumiisumik atuarnissaa pingaaruteqarpoq, tassaniippummi paasissutissat pingaarutillit arlallit ataatsimiittoqalersinnagu ilisimasariaqakkatit. Ataatsimiinnermi ilaatigut makku eqqartorneqassapput:

- Illuatungeriit suliamee pissutsinut inatsisitigullu pissutsinut qanoq isumaqarnerisut
- Immaqa suli piareersaaneq
- Sunik uppersaateqartoqassasoq
- Eqqartuussinissaq qanoq aqqissuunneqassanersoq qaqugulu eqqartuussisoqassanersoq

- Aggeqqusissut paasissutissanik pingaarutilinnik imaqarpoq – atuaruk!
- Ataatsimeeqataaniarlutit sianernissat pisussaaffigivat – peqataasussaataanerit pillugu allassimasut atuakkit!
- Suliaq ingerlaqqinnissaa ataatsimiinnermi isumaqatigiissutigissavarsi

Imatut iliussaati

1. Normumut aggeqqusissummi allassimasumut piffissaliussaqaq nallerpat **sianissaati**
2. Piareertutut nipeqalernissaa **utaqqiuk**
3. **Kode**, aggeqqusissummi allassimasoq, **toortaruk**

Taava ataatsimiinnermut peqataalerputit. Pappiaqqat pingaarutillit, soorlu suliassanngortitsissut, akissuteqaat, ilanngussaasinnaasullu il.il. qanittunniitikkit.

Ataatsimiinnissamut sianeraluarlutit iluatsitsinngikkuit Kalaallit Nunaanni Eqqartuussivimmut sianerit (36 38 00).

Oqarasuaatitigut ataatsimiinnermut peqataasut

Eqqartuussisoq

Eqqartuussisoq eqqartuussivimmi inatsisilerituujuvoq, taannalu oqarasuaatitigut ataatsimiinnermik aqutsissaaq illuatungeriillu suliaq pillugu eqqartueqatigalugit.

Suliassiisoq

Suliassiisoq suliassangortitsissummik tunniussinermigut suliamik aallarniisuvoq. Suliassiisoq allamit, soorlu advokatimit, sinniisoqarsinnaavoq.

Suliassangortitaq

Suliassangortitaq tassaavoq suliassangortinneqartoq. Suliassangortitaq allamit, soorlu advokatimit, sinniisoqarsinnaavoq.

Sinniisoq

Suliassiisutut suliassangortitatulluunniit inuk alla oqarasuaatitigut ataatsimiinnermi sinniisussattut piginnaatissinnaavat. Inuk taanna ataatsimiinnermi oqaluuserineqartut pillugit aalajangiisinnaassaaq kiisalu isumaqatigiinnissamut periarfissanik eqqartuisinnaassalluni.

Peqataasussaataaneq

Oqarasuaatitigut ataatsimiinnermut aggersarneqaruit piffissaliusaaq eqqorlugu sianissaatit.

Napparsimallutit peqataasinnaangikkuit sapinngisamik piaarnerpaamik nalunaassaatit, soorlu Kalaallit Nunaanni Eqqartuussivimmut sianerlutit. Napparsimaneq nakorsap oqaaseqaataatigut uppersarneqassaaq.

Suliassangortitatut **piffissaliusaaq eqqorlugu sianinngikkuit** suliassiisup piumasqaata malillugu eqqartuussaariaannaavutit aamma aningaasartuutitik illuatungerisannut akileeqqusaasinnaavutit. Suliassiisutut sianinngikkuit suliaq itigartitsissutigineqariaannaavoq aammattaaq aningaasartuutitik akileeqqusaasinnaavutit.

Attaveqarfissaq

Arlaannik nalornissuteqaruit imaluunniit oqarasuaatitigut ataatsimiinnissaq sioqqullugu ilitersorneqartariaqaruit Kalaallit Nunaanni Eqqartuussivik attaveqarfigisinnaavat.

Kalaallit Nunaanni Eqqartuussivik

Jens Kreutzmannip Aqq. 1

Postboks 1220

3900 Nuuk

Oqarasuaat: 36 38 00

E-mail: post.rig@domstol.gl

